

Leo Club Aruba ta duna oportunidad na nos juventud

Cu nan actividad "Un porta habri pa nos juventud"

ORANJESTAD (AAN): Pa duna nos juventud e oportunidad di haci obranan positivo, recreativo y educativo, Leo Club Aruba ta tene diasabra awor 20 di maart 1999 nan proximo actividad pa nos juventud titula "Un porta habri pa nos juventud". Pa medio di esaki LEO Club Aruba kier a habri e porta di nan club pa asina duna oportunidad na mas jovennan e.o. e juventud escolar y tambe esnan den e sector laboral pa forma parti di un organisacion reconoci local y internacionalmente pa su bon trabownan di servicio y desaroyo personal di su miembronan. Juventud en general ta ser invita pa asisti na un atardi di informacion, cual lo tuma lugar na e cede di Aruba Lions Club, Engelandstraat 11, na Eagle. For di 3or PM - 6or PM.

Durante e atardi aki tur esnan presente lo ser informa tocante Clubnan Leo, un di e programanan juvenil di e club di servicio mas grandi na mundo Lions Club Internacional. Como orador invita lo ta presente Sra. Belquis Moreu, cu pa medio di un charla lo motiva y guia e juventud pa habri e porta pa asina e juventud encontra e caminda di exito, por ehempel na cas, skol, recreacion, bida personal, etc. Varios tipnan lo ser duna na e juventud con pa nan logra nan metanan.

HISTORIA CLUB LEO INTERNACIONAL: E promer Club Leo a worde funda na aña 1957 na Glenside, Pennsylvania, Club di Lions. E programa a cuminsa como "Abington Highschool Leo Club". Co-fundadornan Bill Ernst y James Graver y otro miembronan di Glenside Lions Club tabata buscando un manera practico, con pa introduci juventud den servicio na comunidad. E promer Club Leo tabata consisti di miembronan di e team di baseball di e highschool,

cual tabata worde guia door di James Graver. Nan a cuminsa cu 26 miembro.

Abington Highschool Leo Club a cuminsa cu e objetivonan: Sirbi e school door di coopera cu ehecucion y desarrollamento di e studiantenan den Liderazgo, sobresali den estudio, responsabilidad personal, honestidad y respet pa otro. Sirbi comunidad door di duna oido na esnan den necesidad. Sirbi e nacion door di promove e idealnan di democracia y e principianan di bon gobernacion y patriotico. Uni e miembronan den amistad, compañerismo y comprension mutuo.

Na aña 1967 e Programa Clubnan Leo a worde incorpora como programa oficial di Lions Club Internacional den e seccion Juvenil. Desde su comienzo e programa LEO y su metanan a sa di expande den tur continente. E clubnan Leo ta worde patrocina pa un club di Lions.

Programa di Club Leo segun publicacion di Leo World ta lo siguiente: Clubnan LEO ta suma 5.500. Miembronan LEO ta 135.000. Nacionnan representa ta 122.

FUNDAMENTO CLUB LEO ARUBA: Na aña 1990 LEO Club Aruba a ser funda y dia 19 di Juni di e mesun aña Leo Club of Aruba a ser reconoci door Lions Club International como un club Leo. E a ser forma door di algun alumno y ex-alumno di MAO School y M.T.S.

E edadnan tabata varia entre 14 y 24 aña. Asina e promer directiva a worde forma bow di guia di Ex-Leo Humphrey Gomez como e promer Presidente hunto cu su Tesorero, Secretario y comisionan, tambe Mama y Reina di Leo Club of Aruba. Tambe LEO Club tin un consehero Leo cu ta worde apunta door di Aruba Lions Club. Despues tambe Leo Club of

Aruba a haña su Tailtwister.

META: E meta cu un Club Leo tin ta: Promove actividadnan di servicio entre e jovennan di nos comunidad, pa asina desaroya e calidatnan individual di Liderazgo, Experiencia y Oportunidad.

Uni nan miembronan den lasonan di amistad, compañerismo y comprension mutuo.

KEN TA BENEFICIA PA CLUBNAN LEO: Cu e participacion di e juventud den actividadnan y projectonan, nan ta gana e experiencia den organiza, desaroya actividadnan social y liderazgo, cual ta contribui na prepara nan mes pa retonan cu nan lo por enfrente den futuro.

E miembronan ta engrandese nan auto-estima y desaroya nan mes personalmente.

E JOVENNAN DI UN COMUNIDAD: Pa Clubnan Lions e juventud ta un recurso vital cu no por worde laga sin mas. Mayoria di nos jovennan di awe ta conta cu e capacidad y voluntad di haci e diferencia den e mundo di awe, pero hopi biaha nan no ta haña e oportunidad di hacie. E Clubnan LEO ta brindanan e oportunidad aki. Ta pesey Clubnan Lions ta inverti den e futuro di e juventud y di nan comunidad door di patrocina un Club LEO.

E COMUNIDAD: E projectonan cu Clubnan LEO ta haci ta contribui na bienestar di nan comunidad. Cu actividadnan y projectonan di servicio Clubnan LEO ta juda na mehora e calidat di bida di nan prohimonan.

KEN POR BIRA UN MIEMBRO LEO: Tur persona cu ta goza di un bon reputacion den comunidad y tin e deseo di sirbi nos comunidad voluntariamente. Mester tin e edad entre -12 pa 28 aña.

ASPECTONAN POSITIVO DI UN ORGANISACION MANERA CLUB LEO: Como actividad patrocina pa Clubnan Lions, e clubnan Leo tin derecho na diferente servicio y beneficio for di e oficina di Asociacion Internacional di Club di Lions. e.o carta di miembrecia, guia pa actividadnan, capacitacion pa lider, actividadnan pa recuada fondo, publicacionnan informativo y mucho mas.

Oportunidad di conoce y intercambia ideanan cu otro jovennan y adultonan den nos comunidad y asina e juventud ta ser concientiza pa ta mas activo den servicio comunitario di nan comunidad.

Oportunidad pa gana experiencia ariba nivel internacional door di participa participa na reunionnan, tayernan, discusionnan, foronan y convencionnan.

Pa motibo cu Club LEO ta un actividad internacional tin e oportunidad na participa na Campamento Juvenil, Intercambio Juvenil, Estrecha lazonan cu otro clubnan LEO den exterior

LEO CLUB TA BRINDABO: Reto-liderazgo-guia-amistad-servicio voluntario-experiencia-obra caritativo-educa-compromiso-oportunidad-Diverticion sano-orguyo-respet-bida

ACTIVIDADNAN: Leo Club Aruba a realiza diferente actividadnan pa nos comunidad manera p.e. accion di limpieza na diferente lugar, parada di dande pa nos grandinan, fiesta y bus tour pa nos muchanan mentalmente incapaz, show di pasco pa nos grandinan, renovacion di algun cas di personanan di menos recurso, campaña seguridad den trafico, triatlon pa jovennan, concurso di pintamento entre skolnan, mantencion di Kapel di Alto Vista, marcamento di parke di estacionamiento di Kapel Monte Calvario, donacionan na diferente instancianan, collecta brillan di bista pa esnan cu mester di nan, fiesta di sinterklaas y zwanter piet pa diferente skolnan y hospital y mucho mas. Naturalmente e actividadnan aki lo no por tabata posibel sin e ayudo y cooperacion di nos comunidad, comerciantenan cu semper a sa di coopera cu nos club durante e diferente actividadnan realiza pa crea fondo, pa asina por sigui sirbi nos comunidad.

Leo Club Aruba a sa di participa activo, bin cu plannan pa contribui na un mihor comunidad door di concientizanan, ofrece un servicio na esnan cu mas mester di dje y duna mas oportunidad na nos jovennan. Tambe Leo Club of Aruba a sa di participa ariba es-

fuerzo di e propio miembronan y tambe cu ayudo di Aruba Lions Club na diferente reunionnan, discusionnan, tayernan Leo, di Area, Distrito y Multiple na Curaçao, Bonaire, y Venezuela, tambe diferente Encuentronan Leo di Latino America y del Caribe na Ecuador, Brazil, Argentina, Puerto Rico, Costa Rica y Convencionnan International di Lions Club na Montreal; Canada, Pennsylvania; Philadelphia, Birmingham; Inglaterra.

LIDERNAN: Leo Club Aruba a sa di forma jovennan ehemplar y responsabel den nos comunidad y internacionalmente, manera p.e. diferente puestonan miembronan di Leo Club Aruba a sa di ocupa e.o. director di Area, Reina di Distrito, Vice-Presidenta di Distrito, Presidente y Secretaria di Distrito E, cual ta consisti di 17 clubnan Leo di Aruba, Bonaire, Curaçao y parti di Venezuela. Presidente, Secretario, Tesorero di Distrito Multiple, consistiendo di 52 clubnan Leo di Aruba, Bonaire, Curaçao y Venezuela. Cu esaki Leo Club of Aruba a demostra local y internacionalmente con como jovennan ta haci servicio comunitario y alavez forma lidernan ehemplar y responsabel pa nos comunidad.

Tur esnan interesa lo por aplica pa bira miembro. No perde e oportunidad unico aki. **UNI BO MES NA LEO CLUB, BIRA UN MIEMBRO LEO.** Nos ta conta cu bo presencia. Pa mas informacion tuma contacto na telefon 821118 despues di 8or PM.

TE KOOP

**EIKEN SERVIES KAST
EIKEN EETSET
(4 PERS)
IJSKAST**

**BUBALI #123-B
(tegen over Bubali Mini
Market) na 6:00 p.m.**

SPARKING NAIL & HAIR

Studio Offer you:

- Relax
- Braiding
- Fingerwave
- Scrunch
- Twist
- Curly
- Blow etc.
- Acrylic Nails and Gel Nails
- Nail Art
- Airbrush Design
- Manicure, Pedicure

Call: 844225 - St. Maarten Str #52

FOR SALE



WALK-IN FREEZERS

26"x14"x8" and 16"x12"x8" with prefab floor (sold separately)

MARTIJN TRADING 821492

**MUST SELL DUE TO
REMODELLING**